

Q. B. V.  
DISSERTATIO MEDICA,  
IN QUA

POTUS  
COFFÆ,  
LEVITER ADUMBRATUR,

QUEM  
CONSENS. NOBIL. NEC NON EXPER. ORD. MED.  
IN ILLUSTR. AD SALAM LYCEO,

SUB PRÆSIDIO,  
VIRI NOBILISSIMI ET EXPERIENTISSIMI

DN. DOCT. CAROLI  
LINNÆI,

EQUITIS AURATI DE STELLA POLARI,  
S:Æ R:Æ M:TIS ARCHIATRI,

MED. ET BOTAN. PROFESSORI REG. ET ORD.  
ACAD. SCIENT. UPSAL. HOLMENS. PETROPOL.  
BEROL. IMPERIAL. NAT. CUR. LONDIN. MONSPEL. TO-  
LOS. ET FLORENT. SOCI,

PUBLICO SUBMITTIT EXAMINI  
HINRICUS SPARSCHUCH,  
LINCOPIA O-GOTHUS.

IN AUD. CAROL. MAJ. AD D.XVI. DECEMB.  
ANNI MDCCLXI.

H. A. M. S.

UPSALE.



VIRO  
*Admodum Reverendo atque Præclarissimo,*  
**D: NO MAG. JOHANNI**  
**SPARSCHUCH,**

S. S. Theologiae LECTORI Primario ad Regium Gymnasium

Linkopienſe Dexterrimo,

Ven. Conſiſtorii ASSESSORI Aequiſſimo,

PRÆPOSITO & PASTORI in Skeda Vigilantiſſimo,

PARENTI OPTIMO.

**M**axima illa, & innumera fere beneficia, quæ, paterno  
Tuo adfectu, a cunabulis inde, in me contuliſti, dum  
gratus recorder, tantum abeſt, ut animum, prolixum licet  
cupientiſſimumque, de remuneratione ulla cogitare ſineat eorum  
amplitudo, ut etiam in multitudine defixus prope obſtupescam,  
& infra deſideria mea quam longiſſime ſubiſtam. Permittas  
itaque, Indulgentiſſime Parens, ut, cum tua in me merita,  
ne idonea quidem dicendi ratione, exæquare valeam, in ani-  
mo religioſo, tacitaque veneratione conquieſcant, & ut tecum  
inſuper agam, tanquam honeſtus Debitor, qui nec fallere fi-  
dem, nec Creditori ſurripere ſua ſtudeat, ſed qui parvis ſubin-  
de muneribus illum demulceat, & ſe ipſum quam ſæpiſſime ad-  
moneat, reddendum aliquando cum fenore id omne, quod ejus  
benignitate mutuari licuit haud mediocri. De cetero voveo,  
ut, feliciffimos inter verum ſuccellus humanis rebus interſis  
quam diutiſſime. Permaſurus,

PARENTIS OPTIMI.

*ſilius obſequentiſſimus*

**HINRICUS SPARSCHUCH.**





D. D.

§. I.



os Europæi, qui ducti opinione,  
ad consuetudinem, nec ad ratio-  
nem vivimus, ut verbis utar Se-  
necæ, aliarum gentium mores al-  
to supercilio, immo cum risu,  
intuemur, quasi a nobis prorsus  
alienos, mox vero eosdem, no-  
vitatis cupidi, in usum trahi-

mus. Nobiliores, ut habeant, quo a plebejis distin-  
gvantur; hi vero, ne inferiores videantur cæteris, si-  
miarum instar, illos imitantur, & sic novi facile per in-  
tegras regiones late disseminantur mores. Navigatio,  
ad summum fastigium ab Europæis evecta, nos in o-  
mnes mundi plagas facile allecat, etjam remotissimas;  
inde nobis aliarum gentium terræ & mores innotuere,  
tam boni, quam mali. Inter maxima inventa, quæ be-  
neficio navigationis originem debent, primum sibi vin-  
dicat locum India Occidentalis, a Columbo detecta,  
quamvis inventionis gloria Americo Vesputio cesserit.  
Navigationi etjam assignamus Indiam Orientalem, ejus-  
que insulas felicissimas, mercesque varias, ab utraque

A

India



India repetendas. Si mente ac cogitatione omnia ad-  
amus, quæ recentior investigavit ætas, certe rudes dice-  
mus majores, qui horum omnium ignari vixere; hi  
spiritus ardentes, Nicotianam, Theam, Coffeam, Sac-  
charum, Sericum, aromata plurima, & sexcenta alia,  
nobis hodie usitatissima, ignorabant: humili contenti  
forte, nostris & fortiores & feliciores, ea spernentes,  
quæ hodierna introduxit luxuria, in corporum usum,  
certe non optimum. Nisi quis nos feliciores judicet ob  
detectas Potosi argenteas gazas, quas laboriose ex terræ  
visceribus erutas, magno cum periculo in Europam  
transferimus, nec minus ancipiti casu ad disjunctissimas  
Indiæ Orientalis barbaras terras deferimus & dilapida-  
mus, arida folia fruticum & fila larvarum tenuissima re-  
portaturi. At vero inter alia, quæ reducimus, nume-  
randæ erunt sic dictæ Fabæ Coffeæ, quæ tanta copia ho-  
die importantur, ut satis mirari nequeamus, Indos, in  
suis terris, tam largam obtinere messem, quæ tot no-  
stratum sufficiat gulis. Hanc tamen considerationem  
illis, quibus curæ est, lubens relinquo; mihi animus  
tantum erit, paucis differere de potu illo Orientali-Ara-  
bico, quem decoctum COFFEE, dicere moris est, e-  
jusque originem, præparationem & effectus peculiare  
exponere. Te vero L. B. ea, qua par est, veneratio-  
ne compellamus, velis, solitum nobis non denegare  
favorem.

## §. II.

Historiam COFFEE perfectam, si traderem, dies  
prius mihi deficeret, quam dicendorum tela, quum de  
ea tot tamque multa tradiderint plurimi, ut ea enumera-  
re opus foret Herculeum; qui de COFFEA multa lecti-  
tare gestiunt, adeant, præ ceteris, Monographos Cof-  
feæ, inter quos nominare sufficiat,

*Mez*



*Meisnerum* 1621.

*Petterfenium* 1666.

*Banesium* 1671.

*Tognium* 1675.

*Du Four* 1684.

*Galan* 1669.

*Sponium* 1705.

*Roque* 1717.

*Langerum* 1684.

*Massilium* 1685.

*Chamberlaine* 1685.

*Bleignur* 1687.

*Maglium* 1691.

*Bladdæum* 1721.

*Duglas* 1725.

*Civerum* 1731.

ut taceam *Mappii* & *Gmelini* disputationes, aliorumque,  
docte conscriptas.

### §. III.

Notitia *Coffeæ* genuina, imprimis ab Arabia felici  
& *Æthiopia* peteretur, in quibus sponte crescit, nisi  
remotissimus obstaret locus; nobis itaque sufficiat *Cof-*  
*feam* considerare secundum ætates, quibus magis magis-  
que innotuit. Nominata *Coffea* proprio in solo, Ara-  
biæ scilicet felici, BUN, quod *Ægyptii* in *Bon* vel *Ban*  
flexerunt, quo factum est, ut nonnulli *Bunchos* Avicen-  
næ idem statuerint.

ARABES scriptores circa An. 1400. primam hujus  
arboris mentionem, quantum novimus, reliquerunt,  
mancam licet & valde obscuram.

ALPINUS (*Prosper*) de *plantis Ægypti*. Venet. 1591.  
primum hunc graphice proposuit potum, quod vero at-  
tinet arboris figuram, adeo rudis illa fuit, ut ab aliis fa-  
cile non dignosceretur. Potum quendam, inquit, ex *Bon*  
„f. *Ban* præparari, quem *Turcæ*, *Ægyptii* & *Arabes* pa-  
„rant, decoctum vulgatissimum, quem vini loco ipsi po-  
„tant, venditurque in publicis cœnopoliis, non secus  
„quam apud nos vinum, illique ipsum vocant CAOVA.  
„Arborem similem esse *Evonymo*; potum corroborare  
„ventrem; juvare concoctionem, viscerum auferre ob-  
„structiones, uterum calefacere, menstrua pellere. Phi-  
lologis excutiendum relinquimus, an illa antiquioris æ-



vi sententia sibi constet, qua nonnulli contendunt vocabulo קֶפֶח Sam. XXV. v. 18. significari Coffeam s. potum, quem Davidi attulerit Abigail \*); cum ex fabis s. fructibus frictis & contusis *Cabve*, Arabicæ arboris, potionem gentibus Orientis gratissimam ac receptissimam esse paratam, constat.

De COFFÆ potu, VERULAMIUS A:o 1624 cent. §. 768. ita: COFFEA *turcis potus ex bacca, quæ nigricat instar fuliginis, est acris & aromatico odore, pulverisata in aqua sumitur calente.*

Europæis in usu esse coepit hic potus, circa annum 1650. & primo apud australiores Italos, Gallosque invaluit.

RAJUS in *Historia plant.* A:o 1690. de potu COFFÆ, utpote tum receptissimo, ita loquitur: „Arbor „Arabiae felicitis, duntaxat intra Tropicos. Arabes vim „feminum vegetandi destruunt, inde immensæ opes, ut „fere totius orbis divitiæ, in eo confluant; unde illa „pars Arabiae vere felicissima. Fidem superat, quod mil- „lena modiolorum millia divendant Turcis, Barbaris, „Europæis. Mirum, inquit, tantum thesaurum unius „gentis peculium esse, & intra unius provinciae angu- „stias coërceri. Mirum, vicinas Nationes, existimu- „lante invidia s. avaritia, eas jam pridem non, vel vi „depopulatas esse, seu semina, vel vivas radices, dolo „non furripuisse. Mirum, quam vigilem Draconem „coævetic suis tuendis præficient indigenæ. Mirum, u- „nius regionis messes, totius orbis sufficere expensis.

Svecis nostratibus, ante initium hujus seculi, vix in usu fuit hic potus, quod plures senes, fide dignissimi, etjamnumque superstites, nobis retulere, qui eum ad  
nos

---

\*) Vid. b. m. Olav. Celsii S. Th. Doct. Prof. Hierobot. de plantis Sacr. Scripturæ Ups. edit. MDCCXLV. it. MDCCXLVII.



nos introductum a peregrinatoribus testantur, e Gallia reducibus, eo, uti aliis moribus, nostram qui infecere nationem.

Vila primo fuit arbor in Europa circa annum 1710. ex Arabia seminibus delata in Hertos Academicos Belgii, & inde per totam facile Europam disseminata; quo modo hoc factum sit, graphice describit *Boerhave* in Hort. Lugd. Batavo 2. p. 217. *Nicolaus Vitsen*, Amstelædamensis Consul, atque Indiae Orientalis Praefectus, postquam literis saepe monuerat, primum Societatis Indiae Orientalis Praefectum *Van Hoorn*, ut semina recentia, *Caffe*, *Mochâ* Arabiae felicitis urbe deferenda curaret, atque in insula Java, in cujus metropoli Batavia habitabat, terrae commissa foveret: cui ille parens, arbores inde nactus plurimas, unam misit Amplissimo Viro, qui statim quam liberalissime, incomparabili hoc ornamento, hortum ornavit Amstelædamensem, cujus olim & conditor fuit. Ibi tulit dein fructus, ex quibus satis novae assiduo stirpes prodeunt. Ita quidem, ut rarissimae arboris spectaculum in Europa, unius Vitsen curae debeatur & liberalitati, errantque, qui aliter de hac re commentati sunt, ut suis ad me datis, ipse Amplissimus Vir monuit.

**JUSSIAEUS** (*Anton*) in *Actis Parisinis*, dignam figuram & descriptionem arboris, omnium primam proposuit A:o 1713. secundum arbusculam vivam, quam *Pancras*, Consul Amstelædamensis & Praefectus Horti, *Ludovico Magno* obtulit, uti commemorat *Geoffroy Mat. med.* 2. p. 432.

**AMERICAE** regiones, inter Tropicos sitae, hodie ab Europaeis cultae, uti Surinamum & aliae, ex hujus arboris cultura, ingens quotannis reportant lucrum; etenim seminibus, a Gubernatore *Van Hoorn* primum reportatis, arbor in varias regiones utriusque Indiae distri-



buta fuit, immo & Africae fervidissimæ, quæ antea merx unius erat regionis.

§. IV.

GENUS arboris COFFEE destinctum est ab aliis plantis. Primi, qui arborem conspexerunt Botanici, ad Jasmini genus retulerunt Coffeam, cum Corolla satis conveniant & bacca sint disperma. *Heisterus* quidem in Horto Helmstadiensi, novum ex hac arbore plantarum genus, construere primum conatus est, modo operi perficiendo par fuisset. Nob. Dom. Præses A:o 1737. primum generis distinctum & naturalem tradidit characterem, in Generibus plantarum:  
COFFEA.

CAL. *Periantium* quadridentatum, minimum, germi insidens.

COR. *Petalum* infundibuliforme. *Tubus* cylindraceus, tenuis, calyce multoties longior. *Limbus* planus, quinque-partitus, tubo longior: *laciniis* lanceolatis, lateribus revolutis.

STAM. *Filamenta* quinque, subulata, tubo corollæ imposita. *Antheræ* lineares, incumbentes, longitudine filamentorum.

PIST. *Germen* subrotundum. *Stylus* simplex, longitudine corollæ. *Stigmata* duo, reflexa, subulata, crassiuscula.

PER. *Bacca* subrotunda, puncto umbilicata.

SEM. bina, elliptico-hæmisphærica, hinc gibba, inde plana, arillo involuta.

§. V.

SPECIES quidem generis hucusque non nisi unica innotuit, scilicet hæc ipsa, quæ seminibus potum subministrat. Occidentalem aliam, tanquam novam Coffeæ speciem, nuper ex America redux, Clariss. *Jacquius*, Botanicus Cæsareus, orbi proposuit, in opusculo suo,



suo, quod inscribitur, *Enumeratio systematica plantarum*; sed de arbore non visa, nihil pronunciamus, inprimis cum a *Coffea Arabica* in non paucis differat, numero certe partium floris quatenario, nec quinario, semine uno nec gemino manifeste differt, est vero hæc:

*COFFEA occidentalis* floribus tetrandris, fructibus monospermis. Jaqu. gen. 16.

*Pavetta* foliis oblongo-ovatis oppositis, stipulis setaceis petiolis interpositis. *Brown. hist. jam. 142. t. 6. f. 2.*

*Jasminum* arborescens, lauri foliis, flore albo odoratissimo. *Plum. ic. 150. t. 156. f. 2.*

Quod circa hujus speciei genus dubii hæreamus, fructificatio dioica Stellarum inprimis nos movet, in generibus notis constans, quæ sine numero quinario s. quaternario variat, ubi in *Rubia*, *Crucianella* aliisque, tamen fructu dicocco constans; nec solet facile numerus seminum in iis, quæ paucis gaudent, variare, cui itaque principio suum inædificavit *Systema Cæsalpinus*.

*SYNONYMA* *Coffeæ* nostræ omnia, præsertim e peregrinatorum turba colligere, res immensi esset laboris, parcioris autem usus. Nonnulla itaque indicasse Botanicorum sufficiat, quæ inter præcipua sunt.

*COFFEA. Syst. nat. 10. p. 929. Spec. pl. 172. Hort. cliff. 59. Hort. Ups. 41. Mat. med. 70. Roy. lygdb. 239.*

*Coffe. Dal. pharm. 491.*

*Coffe frutex*, ex cujus fructu fit potus. *Raij hist. 1691.*

*Coffe tree. Pluk. phyt. 272. f. 1.*

*JASMINUM Arabicum*, lauri folio, cujus semen apud nos *Casse* dicitur. *Juss. Act. 1713. p. 388. t. 7. desc. figur.*

*JASMINUM arabicum*, castaneæ folio, flore albo odoratissimo, cujus fructus *Coffe* in officinis dicitur *Belgis. Comm. Amst. 72. Boerb. lugd. 2. p. 217.*

JAS-



JASMINUM castaneæ folio, flore odoratissimo, rubro fructu (qui Coffe) duro. Comm. Amst. 250.

EVONYMO similis ægyptiaca, fructu baccis lauri simili. Baun. pin. 428.

*Arbor Bon*, cum fructu suo *Buna. Park. theatr. 1622.*

BON vel BAN, arbor. Bauh. hist. 1. p. 422.

BON vel BAN ex cujus fructu Ægyptii potum *Ca-ova* conficiunt. Pluk. alm. 69. t. 272. f. 1.

BON *Alp. Ægypt. 36. t. 36. Vest. Alp. 21.*

BUNA, Bunnæ & Bunchos Arabum. Bauh. hist. 1. p. 421.

§. VII.

DESCRIPTIONEM arboris præstantissimam supeditat *Hortus Cliffortianus*, quam itaque heic sistimus paucis adjectis:

RADIX fibrosa, pallida.

CAULIS arboreus, rectissimus, erectus, simplex, sæpe duodecim pedum & ultra; cortex primo anno viridis, secundo fuscus fere, præcedentium griseus, ex peridermi longitudinaliter dehiscente quadrifariam & membranae instar discedente, inæqualis & lacerus.

Folia opposita, per spatia spithamæa vel palmaria remotis oppositionibus.

RAMUS ad singulam alam folii, lineari plus spatio ab insertione folii, supra folium remotus emittitur, horizontalis fere, simplicissimus vel sine ramulis, excrescens per annos semper ex apice, tenuis, juncens, glaber.

FOLIA opposita, oppositionibus spithami l. palmi spatio remotis, singula ovato-lanceolata, desinentia in acumen oblongum, superne glabra, atroviridia, nitida; inferne pallide viridia glabra & obscura.

PETIOLUS brevissimus, duarum triumve linearum extensus secundum longitudinem folii, ubi superne minimus filiformis, inferne teretiuseculus crassior;  
a la-



a lateribus hujus intra folium exeunt vasa alterna, viginti plura, ad angulum acutum recta extensa, prope marginem oblique flexa versus regionem apicis: horum vasorum insertio bifurcata est, sinu subtus concavo, superne convexo; foliorum Discus planus est, at juxta marginem justo longior, hinc undulatum quasi, intra singuli vasis exsertionem, flectitur. Longitudo foliorum spithamea est, latitudo digitorum trium transversorum. Cum rami horizontaliter pateant, vertitur semper discus folii versus cœlum. Folia inferiorum oppositionum in singuli anni ramo, minora sunt reliquis.

STIPULA, ubi egrediuntur petioli, connectuntur utrinque folia, quæ inter petiolos terminatur in acumen subulatum ramo approximatum; ubi ramus per annum terminatur, ibi apparent margines laterales subulati, conniventes, & gummate quodam clausi. Folia persistunt per tres annos, decidunt, nec regenerantur.

FLORES ex singula ala duo l. quatuor, sessiles: corolla nivea hypocrateri formi; reliqua vide in Generibus.

FRUCTUS ovatus, obtusus utrinque, e rotundo parum utrinque compressus, & quasi angulis sex obsoletis notatus, umbilico circulo obsoleto notato, ruber, cortice molli tenui, bilocularis.

SEMINA solitaria, cartilaginea, hinc convexa, inde plana, margine altero longiore involuto intra alterum & reflexo in paribus contrario modo. Fructus hic pedicello brevissimo insidet, cincto vaginulis utrinque acuminatis imbricatis.

Videmus ex data descriptione arboris, ut paucis eandem comprehendam, *Arborem* simplicem, erectam, minus altam, *ramis* longis, simplicibus, laxis, & fere nutantibus, vestitis; *Foliis* oppositis, laurinis sempervirentibus, ornatam *Floribus* albis, sessilibus, fere Jasmini corolla, quibus *Baccæ* cerasorum facie, rubicundæ succedunt, pulpa pallida, submucilaginosâ, fatua, intus ge-



rentes *Semina* duo, dura, huic convexa, inde plana, *arillo* cartilagineo vestita.

FLORET arbor bis in anno, uti plantis Indianis est solenne, tempore scilicet vernali & autumnali; FRUCTUS vero integrum annum ad maturationem exposcunt, adeoque fructus etiam bis in anno legitur.

ORDO NATURALIS arborem refert ad ordinem 44 *Stellatarum*, quod ex caractere & descriptione patet, ita tamen ut admodum affinis sit Ordini 63 *Cynosarum*, de quibus videatur *Philos. Botanica*.

CULTURAM arboris si respiciamus, eandem apud nos cum fœnore feri & propagari nunquam posse, patet, cum ejus patria sit inter Tropicos; adeoque sine caldariis calidissimis, in terra prægnante, e ventre equino parata, excludi, adolescere, florere, & fructum sub fenestris producere, certe nequit. Ut vero hujus cultura facilius innotescat, ea adducere juvat, quæ de hac commentatus est *Joh. Silander*, in *actis Holm.* 1757. p. 236. qui ipse plantationi manum admovit per plures annos, dum *Surinami* degeret, cujus verba paucis comprehendamus: „*Arbor exacto anno post plantationem*, ex „*seminario in aliam transfertur terram, inter fruteta ple-* „*rumque crescit, & raro in altum surgit, corticeque* „*obducta subcinereo, ramisque laxis, fulgentibus ac undu-* „*latis foliis. Terra sit humus dædala, in qua crescit, &* „*loca paludosa optima huic sunt. Clima surimense* „*præterea est divisum in α) tempus Siccitatis minus, per* „*Februarium & β) Pluviale majus a Martio ad medium* „*Augusti, inque γ) tempus majus Siccitatis a medio* „*Augusti ad finem Decembris, & denique in δ) Pluviale* „*minus, quod Januarium complectitur. Arbor, in tem-* „*pore pluviali minori, plantationem obtinet, idque in-* „*ter Musas, ut umbram sibi conciliet, donec quatuor* „*impleverit annos. Ad longitudinem octo pedum cre-* „*scit,*



„scit, & ad annum durat vigesimum, vel ultra. Post  
 „tres annos fructus reddit, idque bis intra annum. Fru-  
 „ctus majores in tempore majori pluviali obtinent cives,  
 „& minores in Octobri. Arbores novellæ fabas red-  
 „dunt majores, sed minus sapidas. Modum siccandi &  
 „mola easdem confringendi, apud Auctorem L. B. in-  
 „veniet.

§. VIII.

ANALYSIN horum seminum COFFÆÆ prætereo,  
 cum nobis in hoc otium fecit *Geoffroi* in *Mat. med.* 2. p.  
 433, quam qui desiderat, Auctorem adeat præstantis-  
 simum.

§. IX.

Ad PRÆPARATIONEM *Coffeæ* ratio instituti nos  
 deducit. Semina in sartagine ferrea, supra prunas tor-  
 rentur, ut bene fudent. Manum vero exercitatam o-  
 pus desiderat, ut nec minus nec parcius ustuletur. Deim  
 in molam versatilem ex Chalybe mox conjiciuntur, ut  
 in pulverem redigantur crassiores; si enim diu conser-  
 vantur assata, vis non nihil perit. Ex hoc pulvere uncia  
 una sumatur, quæ cum duabus circiter libris aquæ co-  
 ctæ misceatur, ignique admoveatur, & postquam bis aut  
 ter ebulliverit, ab igne retrahatur. Clarificetur adjecta  
 rasura Cornu Cervi, aut albumine ovi aut aqua frigida,  
 ut limpidius evadat decoctum. Alii tamen libentius po-  
 tum consumunt, sine additamento clarificatum, quum  
 contendunt, vires potus inde infringi. Decoctum adhuc  
 calens a fœculento pulvere, in fundo aheni præcipitato,  
 per inclinationem separetur, calidum sumitur, cum e-  
 nim frigidum fuerit, ingratisissimus plerisque est potus;  
 consuetudini tamen, ut in cæteris, obtemperandum.

*Nostrates*, post prandium plerumque *Coffeam* bi-  
 bunt, idque tribus cyathis murrhinis, cum saccharo sæ-  
 pe & flore lactis. *Galli* vero, cyathum unum tempo-



re matutino imprimis potant, majorem tamen nostris, Saccharo adjecto, & pane triticeo ei immerso, ut potius edere, quam potare videantur. *Belgæ* & tempore matutino & pomeridiano hauriunt; in his vero plebeji, non tostum, ut etjam sine saccharo & lacte, instar infusi, propinant, ore postea saccharum, vel radicem *Liquiritiæ* sumunt. *Angli* tempore imprimis matutino, cum pane, butyro illito, bibunt. *Turcæ* unum tantummodo Cyathum hauriunt, saturationem vero nostris.

**SUCCEDANEA COFFÆ**, ut invenirent, quam plurimi fuere annisi, e. gr. in *pisis*, *nucibus fagineis*, *amygdalis*, quorum amygdala, omnium cæterum saluber-  
rima, majori tamen gradu, quam **COFFEA** inflativa, minus ideo recepta. Quoties **COFFEA** succedaneis adulteratur, toties doctæ non convenit gulæ, adsvetoque abdomini malum adfert non minimum.

**INSTRUMENTA** ad hunc potum rite parandum & propinandum, quibus luxuria culinas nobilitavit nostras, tam varia habentur ac desiderantur, ut illa solum commemorare labor sit. Sunt vero hæc imprimis:

*Sartago ferrea* pro ustulatione seminum.

*Mola chalybea* pro tostorum seminum comminutione.

*Abenum æneum* operculatum pro coctione.

*Tripus ferreus* pro aheno coquente.

*Carbonarium æneum* pro cantharo calido tenendo.

*Cantharus argenteus* ad propinandum decoctum.

*Cantharus argenteus* pro lacte infundendo.

*Vasculum argenteum* saccharum subministrans.

*Forceps argenteus* pro saccharo excipiendo.

*Vascula murrhina chinensia* eaque gemina.

*Cochlearia argentea* parva pro saccharo miscendo.

*Mensa rotunda* picta, verniceque obducta.

*Mappa mensalis* pro tegumento mensæ.

*Repo.*



*Repositorium* quod excipiat supra mensam vascula.

*Vas argenteum* majus pro lavandis vasculis.

Plura ut taceam, quæ maxime necessaria judicant, licet vix mille thalerorum redimantur pretio.

ARS *Coffeam* præparandi, dudum in urbibus populosioribus, jus civitatis obtinuit, & admodum familiaris evasit, tanquam germana soror Tabernarum Vinariarum, hinc publicæ tabernæ *Coffeæ* fere ubique prostant hodie, in quibus otiosiores & delicatesiores conveniunt, potu non inebriante se reficiendi; quin & in domo quacunque honoratiori, ancillam vel famulum, artis hujus coquinariæ peritum, deprehendas.

§. X.

Hoc potionis genus, ut novitum, nobilioribus in Europa tam frequens est, quam ignobilioribus Nicotiana evasit. Inprimis gratiam sexus muliebris sibi conciliavit potus, cum inebrians non sit, cum Theæ infuso sociandus, quamvis COFFÆÆ potus nobilior judicetur, quod chariori, quam Thea, forte pretio veneat. Nulla enim facile Matrona nobilior, solo Theæ infuso se sat opipare exceptam putat, cum Coffea, majoris nempe pretii, habeatur præstantior; immo pro contemtu habet, si aliam invisens, COFFÆÆ non excipitur deliciis: isque, mihi crede, inurbanus salutatur, qui prandio dato, Coffeam non offert hospitibus. Commendatum hoc COFFÆÆ novitum, plane singulare est, nec Tabaci fumo inferius, modo rationes quæras hujus ex effectu, sapore vel reliquis attributis. Ex Coffeæ inertibus nucleis, adustione eupyreumaticis factis, naturæ adeoque inimicis, parare potum, qui nec reficiat animum, nec sitim restringat, ars omnino per magna est, quem Bruta animalia, omnesque homines horrent, nec doctæ nisi gulæ sapiat. Præterea novimus omne tostum vim nutriendi amisisse, naturæque evasisse inimicum, unde



panem aut carnem ustam, omnes merito depurgant coenantes.

§. XI.

VIREs, qui scire velit hujus COFFEE potus, eas potius Medicas, quam diateticas reperiât, quas paucis exponere lubet.

ANOREXIAM potius excitat, quam appetitum; quicunque mox ante prandium aliquot COFFEE cyathos hausit, ut antea famelicus, absque singulari oblectamento & aviditate cibum assumit, quin potius ab eo facile abstinebit.

PERVIGILIUM accelerat & somnum tollit, quod quivis expertum habet, qui hoc, hausto tempore vespertino, largius se ingurgitavit, & inde noctem transiget insomnem, quod ut impediant, alii aquæ superbibunt cyathum, alii vasculum vini, alii spiritus ardentes; si coenam omittant, qui fero, tempore vespertino, potum consumserunt, non somno facile obruuntur.

FLATULENTIAM inhibere, & *digestionem* promovere, creditur, si a prandio mox hauriatur; certum vero, immo certissimum, est, quod potus quocunque tempore sumatur, si minus rite tostus & præparatus, *Borborygmus* excitet & flatulentiam. Nob. Domn. Præses virum novit, qui A:o 1742. d. 4. Octobr. commilitonum allectus consortio, octo cyathos murrhinos hujus potus hausit, inde flatulentia, borborygmis, ructibus nidorosis, Anorexia, singulari sensu cordis relaxationem simulante, nocte insomni & sudore acido graviter laboravit.

TREMORES manuum capitisque obtinent plerique Coffeæ strenui & quotidiani potatores. Tres Viros illustriores, nuper defunctos, meminimus, qui nimio Coffeæ potu adeo tremuli evasere, ut vix Cyathum ori admove-re potuerint, feliciter tamen liberati, per aliquot annos;



annos, ab hac potione abstinendo; Unus horum, qui gustui abstinentioniam persuadere non potuit, ore Coffeam tenuit, sed nihil deglutiens, sputo eam deinde emisit. Debilitare Coffeam & systema nervosum, & cerebrum, utpote exsiccans & simul eupyreumaticum, non modo ex qualitate usuali, sed ex dictis tremoribus, constat. Apud magnates nostros, frequentiores hodie esse mortes subitaneas, deprehendimus, quas *Asphixiam* dicunt, qua plurimi Holmiæ & alibi, circa solstitia hyberna imprimis, occubuerunt; annon culpam *Asphixiæ* e potu Coffeæ derivare liceat, aliis inquirendum relinquo; mihi certe alienum non videtur, nec alienæ sunt observationes, cum plurimi *Asphixia* erepti, de iis loquor, quos novimus, strenui potatores fuisse Coffeæ.

ANTIVENEREUM & effeminans vulgo habetur Coffeæ potus, unde etiam potus Caponum, per opprobrium dicitur. Certe si blanda, dulcia & oleosa, Aphrodisiaca sint, vires Coffeæ esse contrarias oportet. Notissima est *Olearii* in itinerrario p. 578. historia, de Regina Sultani Mahmud *Kasrins*, quæ equum vidit castrari, ab horrenda operatione abstinere, & equo Coffeam propinari iussit, cuius efficaciam habuit expertam in marito.

OCULOS tantum debilitat, quantum pingvia eos corroborant. Virum novimus, qui hora prima diei ante prandium hausit tres Coffeæ cyathos, vacuo ventriculo, post quadrantem horæ, relationes lecturus publicas, facultatem videndi fere desideravit, albo quasi reticulo & linteo poroso, oculis prætenso.

MELANCHOLICIS nocet Coffeæ potus, quod omnes huic obnoxii morbo, suo confirmant testimonio.

HYPOCHONDRIACIS damnum adfert, acidum enim in primis viis auget, & copiosius haustum, sudorem atque acidum generat; quando hi potant decoctum, & non multo post curru vehuntur, ructus emittunt acidis.



cidissimos & copiosissimos, ut eodem contineri curriculo, grave ducamus.

**HYSTERICIS** non expedit potus, etsi illis vi sua eupyreumatica prodesse creditur. Matronas duas honoratiores, urbis hujus incolas, hac passione vexatas, ferunt, quæ quotidie potum consumserunt, & ex Medicamentis præscriptis, nullam obtinuerunt medicinam, priusquam Coffeam copiosius sumtam, medicorum consilio per aliquot annos neglexerint; persuasione vero amicarum, potum defendentium, aliquot cyathos Coffeæ post annum hauriebant, sed, vix exacta nocte, paraxysmo intenso hysterico affectæ, veritatem criminationis probarunt.

**HÆMORRHAGIAS** quascunque, *Menses & Hæmorrhoides* pellit, ideoque feminae etiam huic deditæ potui, menstruis fere diffluunt, & sæpe uteri Hæmorrhagiam incurrunt; ne igitur in statu graviditatis abortum timeant, ab Coffeæ usu copiosiori abstinere, consultum habemus. Quod vero Hæmorrhoides excitet & pellat, res adeo Hæmorrhoidariis est nota, ut demonstratione non indigeat.

**URINAM** copiose pellit, inprimis si aqua misceatur; quosdam calculo obnoxios Holmiæ novimus, qui Cyathum Coffeæ murrhinum vitro aquæ frigidaë, libra una repleto, infundunt, idque horis consumunt matutinis, qui unanimiter fatentur, quod vix aliud ipsis sit notum, urinam & sabulum copiosius pellens.

**EXSICCANS** est, unde hujus potus belluones plerumque macilenti & exsucci evadunt; contra illis expedit, qui Polysarchia & pingvedine nimia laborant.

Verbo: ut multa paucis complectar. *Coffea*, utpote usta, nihil confert nutrimenti, sed ut naturæ inimica expellitur, omnes promoveat excretiones, corpus exsiccat, humores spissos & lentos attenuat, immo fibras striatiores facit, systemaque enervat nervosum; quod igitur  
Cof-



Coffeæ potus diateticus, optimus non fit, satis patet, nec facile aliis expedit, nisi obesis, vaporosis, sedentariis, gulosis. Torpidos erigere, & stupidiore acueri videtur, verum cerebrum & systema nervosum exsiccando, corpus debilitat, & precocem parit senectutem.

§. XII.

Quando MEDICI Coffeam adhibent, laudabilem ejus effectum, læti percipiunt; rite enim usurpatum, præcipue malis, jam commemorandis, inservit.

CALEFACIENS est Coffeæ decoctum, hinc tempore calefacit hiberno, æstivo defatigat, ideoque in Febris Criticis & Phlogisticis locum non habet; Erysipelalosis certe summe est noxium, nec criticis febribus convenit, quum acidum generat.

CARMINATIVUM vulgo creditur, sed repellens potius dicendum; quamobrem lautiores a prandio Coffeam propinant, quo flatulentiam pellant. Nob. Dom. Præses A:o 1740. e nosocomio navali, cujus Medicus fuit, horis egressus matutinis, ab ægrotantium halitu *Cardialgia* sæpius afficiebatur; præsentissimum habuit remedium, si tres Cyathos murrhinos coffeæ celeri consumlerit manu, sine saccharo & lacte.

ATTENUANS est, utpote exsiccans, unanimi Medicorum testimonio. Nimia ideo pingvedine laborantibus præscribendum; in *Leucorrhoea* quoque prodesse, tam Medicorum, quam Sexus sequioris suffragio est confirmatum.

ANTHELMINTICUM audit, & hinc pueris sæpe confertur, copiosius vero haustum, parvos eos reddit, adeoque non facile his ordinandum. Si quis aliquot cyathos decocti saturatoris hauriat, vermes plerumque e ventriculo in intestina descendere experitur; si mox purgatio propinetur, invisi hi hospites hac expelluntur.

C

metho-



methodo; vermes enim ustulata, nulla ratione ferre possunt, quod de Cornu Cervi usto, aliisque, constat.

EXCITANS est, quam ob causam illi, qui lucubrando noctes agant insomnes, Coffeam assumunt, cum animo evadant promptiores; jure igitur in morbis soporosis, si inprimis agroti, oppleti, phlegmatici & obesi sint, Coffeam commendamus.

PELLENS est, uti prius dictum; sanguinem, urinam, reliquasque excretiones pellit, qua ratione non sine fructu, tanquam emmenagogum, in menstruis suppressis adhibetur, & si copiosiori hauriatur aqua, calculosis ad sabulum pellendum prodest.

CEPHALICUM esse, Medici comprobant, & observationes eorum adducunt varios, qui sat inveterata Cephalalgia detenti, solius ope decocti, pristinam obtinuerunt sanitatem. Cephalalgiam a crapulis abluere, res est notissima. Hemicraniam, sola Coffea mitigare, plurimi denique solent.

Manum de tabula.

TANTUM.







COFFEA Arabica.



